

بازار ایرتسی

فی ۱۹ جمادی الاخری سنه ۱۳۲۸

وفی ۱۴ حذیران سنه ۱۳۲۶

جمعیت علمیہ اسلامیک ناسر افکاریدر

صاحب امتیاز :

فاتح مجیز درسعاملرندن
استانبول مبعوثی
مصطفی عاصم

سر محرر :

فاتح مجیز درسعاملرندن
توقاد مبعوثی
مصطفی صبری

مدیر مسئول :

مکتب قضاء معلملرندن
کایسلی منیر

مندرجات

تاریخ اسلام صحائفندن طاهر المولوی
اسلامده علوم وفنون ع . عاطف
ادبیات
استبداد ایکتیلری ع خیری

ردی علی مافی القول الجدید مصطفی صبری
روسیه مسلمانلری م . صفت
کرید مسئلهسی اسکیز سیاستی ع - داود
چین مسلمانلری » »



نسخه سی ۱ غروشدرد

آبونه اجرتی (پوسته اجرتیله برابردر)

ممالک اجنبیه ایچون :
۶۰ ، ۲۰ فرانق
» ۳۰ ، ۱۰

استانبول وولایات ایچون :
بر سنه لکی ۶۰ غروش
التی آیانی ۳۰ »

درج اولنیمان اوراق اعاده ایدلمز

قارئلرمنزه

اکثر مقالاته آیات کریمه واحادیث نبویه درج ایدلمش بولندیفی نظراعتباره آلهرق رعایتسزلکده بولنلمامسی رجا اولنور .

در سعادت

محمود بك مطبعه سنده طبع اولنمشدر

ایدیلدی دوه لر یوزه بالغ اولونجه — اوچ دفعه تکرار ایدیلک شرطیله — قرعه اولره اصابت ایتدی جناب عبدالله زبحدن قورتولدی ، عبدالمطلب ده ، دودلری قربان واهالی مکین اطعام ایدرک نذرینی ایفا ایله مش اولدی .

بعض مورخین (عبدالمطلب ذبحه تصدی ایتدیکي ائزاده اوغلی عباسک کلوب قارده شنی باباسنک الندن قورتاردیغنی) ادعا ایتشلر سده ادعاری طوغزو دکدر . چونکه او ائزاده حضرت عباس هنوز ایکی یاشلارنده ایدی که ولادت بیغمبریدن اوچ ییل اول طوغمشدی . ایکی یاشنده کی برچوجک ، برادرینی پدرینک قلنجیندن تخلیصه چالشماسی طبعیدرکه محالدر . مشسار الیهک ؛ « بن اوچ یاشلارنده ایدم که ولادت سنیه وقوع بولمشدی . برکون بی اکرم حضرتلرینی کتیردیلر و بکا : قارداشکی اوپ . دیدیلر . بنده وجه سعادتی تقیل ایله مشرف اولدم » دیمه سیده سوزمیزک صحتی تأیید ایدر .

مابعدی وار

ظاهر الماروی

— — —

— اسلامده علوم وفنون —

علوم فرآنیسه ، عراق و ایران جهتلرنده بر سرعت فوق العاده ایله انتشار ایلدیکندن او خطهلر اهاالیسی آرسنده دخی فقه وفتوی تدرس ایدر نیجه ذوات ظهور ایلشدی ؛ فقط احادیث شریفه او طرفلرده قطعاً حجازیه ده اولدینی قدر منتشر بولمیدیکندن حفظ حدیث خصوصنده اختصاصلری زیاده اولان اهل مدینه یه احتیاجلری درکار ایدی .

عراق و ایران طرفلرنده کی مسلمینک اکثریسی ارباب علم و تمدن اولدینی ایچون قرآن کریم واحادیث نبویه دن استخراج احکام خصوصنده قیاس فقهی به دها

مایوس پدر ، آغلایان کوزلرینی ، تیرمین اللریه سیلوب باقمه قیامدینی او منور یوزه صوک دفعه اولارق بر دها باقدقدن صوکرا ، کوکسندن آیرمق ایسته مدیکی اورأس شریفی جسم لطیفندن تفریق ایتک ایچون قلینجی قالدیردی . فقط (مانع) صفت التیه سنک مظهر تامی دینه بیله جک بر نیجه ، ییلکسندن یا قالا یوب اوسیف صارمی الندن آلدی .

بوید علینک صاحبی ، عبداللهک دایلمندن (مغیره بن عبدالله بن عمرو بن مخزوم) ایدی که انیسته سنک وفای نذری ایچون همشیره زاده سنی ذبحه تشبث ایتدیکینی خبر آلمش ، صیانت ربانیه کی یتیشوب یکنتی قورتارمشدی .

(مغیره) نک شو منع مصیبتی صناید قریشکده مداخله سنی موجب اولدی . عبداللهی زمین زبحدن قالدیروب عبدالمطلبک اطرافنی آلدیار (قریشه بدعت سیئه بیرامق ایسته مزسه ک عزیمکدن فراغت ایت . (جنبر) ده کی (قطبه کاهنه) دن استفتا ایدلم . بلکه ایفای نذرده باشقه چاره واردر . بوخصوصده بوتون ماملکمز کیده جک اولمه ده ، عبدالله ایچون فدا ایلرز ، دیدیلر .

عبدالمطلب ده بوتکایفه رضا کوستردی . برقاچ کیشی درحال یوله جیقوب خیره واصل وکاهنه نک نزدینه داخل اولدی .

(قطبه) مسئله یی آکلانجه یارین کلک جوابی ویرهیم . دیدی ایرتسی کونی کتیدیلر . کاهنه ، سزده دیت نه قدردر . ؟ دیه صورتی اون ده ودر . دیدیلر . اوله ایسه عبداللهه مقابل ، اون ده وه قویک وقرعه چکک . ده ودره اصابت ایدینجه یه قدر عدد جمالی اونر اونر آرتیرک . چاره سنی کوستردی . مستقیلر ، مسروراً عودت و عبدالمطلبه ، اشراف قریشه تبلیغ کیفیت ایتدیلر . همان ، ده ودر احضار وقرعه کشیده سنه ابتدار

اجرای خلافت ایچون نه‌کی رخط حرکت اتخاذا
ایده‌جکلرینی ، شروط عدلک نه‌دن عبارت اولدیفنی علما
وفقهادن استفسار ایدرلردی .

بو قیلدن اولوق اوزره عمر بن عبدالعزیز ، مقام
خلافت کلدیکی زمان حسن بصری (رحمه‌الله) حضر-
تترینه بر نامه یازدوق امام عادلک نه‌کی صفتلری حائز
اولمسی لازم کله‌جکئی سؤال ایتش ومشار الیه طرفندن
ویریلن جوابده بر خلیفه‌یه لازم اولان اوصاف مهمه
مفصلاً بیان ایدلدکدن سوکره اوزون اوزادی‌یه اجرای نصیح
اولمیش ومذکور نصایح جمله‌سندن اولان : (امیرالمؤمنینہ :
الله تعالی حدودی ، خبائث وفواحشی منع ایتک ایچون
امر ایتش ، بناءً علیه اوفالقلر حدودک اجراسنی
درعهده ایدن ذاتدن قطعاً صدور ایتمه‌ک لازم کلیر ،
دوشون ، موتی وماورای موتی‌یو دوشون !) مآلندکی
سوز عمر بن عبدالعزیزی مهم بر انتباه وتیقظه دعوت
ایلشدر .

ینه بویولده مضبوطات تاریخیه‌دندرکه : حدت
وشدت‌یله مشهور اولان خلیفه منصور بر کیجه کعبه
معظمه‌ینی طواف ایدرکن (عمر وبن عبید) ک ظهور
ایدن بنی وفساددن حرم شریفده شکایت ایتدیکنی
ایشیدرک کیمدن ایتمکده اولدیفنی کنیدیسندن صورمش ،
اوده‌جواب اوله‌رق یوزینه قارشی صرف کنیدیسندن
واجرای حکومت خصوصنده ایقاع ایلدیکنی مظالمدن
شکایت ایلدیکنی صریح بر افاده ایله بیان ایتدکن
سوکره اویله آجی نصیحتلر ایتشدرکه منصور آغلامقندن
دیگله‌مکه مقتدر اوله‌ماشدر .

علمانک اخطارات مصیبه‌سیله خلفانک بویله آغلامقندن
کنیدیلرینی آله‌مدینی جوق دفعه‌لر وقوعه کلش ، بودرلو
نصایح نخوت وشدت‌لرینی موجب اوله‌جق یرده بالعمس
تعظیم واحتراملرینی تزید ایلشدر .

قونیلی :

ع : عالمف

زیاده اعتماد ایدرک سنن شریفه‌یه شدتله متمسک بولنان
مدینه منوره فقهاسنه مخالفت ایتشلردر .

بوصورتله فقهایی کرام حضراتی ایکی‌یه آیرلمش ،
برینه اهل حدیث ، دیکرینه ارباب رأی دینله‌شدر ،
برنجی قسمک رئیس امام مالک (رحمه‌الله) درک‌بونک
انصاری ، اهل حجاز ایله سفیان ثوری حضرت‌لرینک
اصحابی ایدی ، بوذوات کرامت مسلکی ، احکامی‌نصوص
اوزرینه بناء ایدوب رسول اکرم (صلی‌الله‌علیه‌وسلم)
افندمزه اسناد اولنان برخبره دسترس اولدقجه قیاس‌جلی
ویاخفی‌یه میل ایتمه‌مکدر ، ایکنجی قسمک رئیس ، ابو
حنیفه نعمان بن ثابت (رحمه‌الله) اولوب بونک‌ده
انصاری محمد بن الحسن ، ابو یوسف القاضی ، زفر بن
هذیل ، حسن بن زیاد ، ابن سماعه ، ابو مطیع البخی
وسائر فقهایی عراق ایدی ، مشار الیم حضرت‌لرینک
مسلکی ایسه اصول اجتہادی ایلری کونوره‌رک اخبار
آحاد اوزرینه بنای احکام ایتمه‌مکدر .

امام مالکدن سوکره‌کندی مذهبی اصحابندن
(محمد بن ادريس الشافعي) ظهور ایتش ، وعراق
طرفلرینه سفر ایدرک ابوحنیفه حضرت‌لرینک اصحابندن
خیلی زمان استفاضه ایتش ، نتیجه‌ده اهل عراق واهل
حجاز مسلک‌لرینی مزج ایله متوسط بر مذهب سالك
اولمش ومقتداسی اولان امام مالک حضرت‌لرینه برچوق
احکامده مخالفت ایلشدر .

دها سوکره‌ینه مذهب مالکی‌یه منتسب اولانلاردن
(احمد بن حنبل) یتیشه‌رک امام اعظم ابوحنیفه حضر-
ت‌لرینک اصحابیله ملاقات ایتش واجتہادی نتیجه‌سی اولوق
اوزره دردنجی بر مذهب اختیار ایلش ، اشبو حنفی ،
مالکی ، شافعی ، حنبلی مذهب‌لری امصاروبلاد اسلامیه‌نک
قسم اعظمنده انتشار ایتشدر .

قرآن ، حدیث وفقهک خلافت اسلامیه‌جه حائز
اولدیفنی اهمیت عظیمه‌یه مبنی خلفای مسلمین قراء ،
محدثین وفقه‌ایه صولک درجه احترام ایدرلر ، وعادلانه